

意

林

四部備要

子部

上海中華書局據學津討

原本校刊

桐鄉 陸費達 總勘

杭縣 高時顯 輯校

杭縣 吳汝霖 監造

版權所有不許翻印

欽定四庫全書提要

意林五卷唐馬總編唐書總本傳但稱其系出扶風不言爲何地人其字唐書作會元而此本則題曰元會均莫能詳也傳稱其歷任方鎮終于戶部尙書贈右僕射諡曰懿陳振孫書錄解題稱總仕至大理評事則攷之未審矣初梁庾仲容取周秦以來諸家雜記凡一百七家摘其要語爲三十卷名曰子鈔總以其繁略失中復增損以成此書宋高似孫子略稱仲容子鈔每家或取數句或一二百言馬總意林一遵庾目多者十餘句少者一二言比子鈔更爲取之嚴錄之精今觀所采諸子今多不傳者惟賴此僅存其概其傳于今者如老莊管列諸家亦多與今本不同不特孟子之文如容齋隨筆所云也前有唐戴叔倫柳伯存二序與文獻通考所載相同唐志著錄作一卷叔倫序云三軸伯存序又云六卷今書所行有二本一爲范氏天一閣寫本多所脫佚是以

御題詩有太乙以下竟亡之之句此本爲江蘇巡撫所續進乃明嘉靖己丑廖自顯所刻較范氏本少戴柳二序而首尾特完整然攷子鈔原目凡一百七家此本止七十一家洪氏載總所引書尙有蔣子謙子鍾子張儼默記裴氏新書袁淮正書袁子正論蘇子張顯析言子顧子諸葛子陳子要言符子諸書此本不載又通考稱今本相鶴經自意林鈔出而永樂大典有風俗通

姓氏篇題曰出馬總意林此本亦並無之合計卷帙當已失其半非總之原本矣然殘璋斷璧益可寶貴也

原序二首

三聖相師大易光著天地之功立矣經傳之功生焉  
 輔成一德謂之六學漢收素業其道方興置講習訓  
 授之官明君臣父子之體雖禮樂文缺亦足以新忠  
 孝仁義之大綱至如曾孔荀孟之述蓋數百千家  
 皆發揮隱微羽翼風教祖儒尊道持法正名縱橫立  
 權變通其要崇儉而有別即而得序旁行而不流  
 小說去泥而篇簡繁夥罕備于士大夫之家有梁穎  
 川庾仲容略其要會為子書抄三十卷將以廣搜採  
 異而立言之本或不求大理評事扶風馬總元會家  
 有子史幼而集錄探其志趣意必有歸遂增損庾書  
 詳擇前體裁成三軸曰意林上以防守教之失中  
 以補比事之闕下以佐屬文之緒有疏通廣博潔淨  
 符信之要無僻放拘刻讖蔽邪盪之患君子曰以少  
 為貴者其是之謂乎余元會之執友故序而記之貞  
 元二十年五月二十一日也撫州刺史戴叔倫撰

子書起于鸞熊六韜盛于春秋六國時莊老道宗起  
 覆載之功橫視日月之照高視六經為天下式故絕  
 于稱言矣墨翟大賢其旨精儉教名亞孔聖  
 至矣管晏文可謂庶矣而部帙繁廣尋覽頗難梁朝庾  
 仲容抄成三帙汰其沙石簸其秕糠而猶蘭蓀雜于  
 蕭艾璠璣隱于璞石扶風馬總精好前志務于簡要  
 又因庾仲容之抄略存為六卷題曰意林聖賢則糟  
 粕靡遺流略則精華盡在可謂妙矣隋代博陵李文  
 博撻撥諸子編成理道集十卷唐永興公虞世南亦

採前史著帝王略論五卷天后朝宰相朱翼祖則又  
 述十代興亡論一帙洎扶風意林究子史大略者蓋  
 四人意矣予扁舟塗水留滯廬陵扶風為余語其本  
 尚且曰編錄所取先務于經濟次存作者之意罔失  
 篇目如面古人子懿馬氏之作文約趣深可謂懷袖  
 百家掌握千卷之子用心也遠乎哉旌其可美述于  
 篇首俾傳好事貞元丁卯歲夏之晦文廢暇河東柳  
 伯存重述

意林目錄

卷一

鸞子一卷

太公金匱二卷

太公六韜六卷

曾子二卷

晏子八卷

子思子七卷

孟子十四卷

管子十八卷

道德經二卷

荀卿子十二卷

魯連子五卷

文子十二卷

鄧析子一卷

范子十二卷

胡非子一卷

墨子十六卷

纏子一卷

隨巢子一卷

尸子二十卷

韓子二十卷

卷二

列子八卷

莊子十卷

鶡冠子三卷 缺

王孫子一卷 缺

申子三卷

慎子十二卷

燕丹子三卷

鬼谷子五卷

尹文子二卷

公孫文子一卷

陸賈新書二卷

晁錯新書三卷

賈誼新書八卷

呂氏春秋二十六卷

淮南子二十二卷

卷三

鹽鐵論十卷

說苑二十卷

新序三十卷

法言十五卷

太玄經十卷

新論十七卷

論衡二十七卷

正論五卷

卷四

潛夫論十卷

風俗通三十一卷

商君書四卷

阮子四卷

正部十卷

士緯十卷

通語八卷

抱朴子四十卷

卷五

周生烈子五卷

荀悅申鑒五卷

仲長統昌言十卷

典論五卷

魏子十卷

人物志三卷

任子十卷

篤論四卷

體論四卷

傅子一百二十卷

太玄經十四卷

化清經十卷

鄒子一卷

成敗志三卷

古今通論三卷

中論六卷

唐子十卷

秦子二卷

梅子一卷

物理論十六卷



唐 馬總撰

昭文 張海鵬梓

鸞子一卷 藝文志云名鸞著子二卷今一卷六篇

發政施令為天下福謂之道上下相親謂之和不求而得謂之信除天下之害謂之仁信而能和者帝王之器

聖王在位百里有一士猶無有也王道衰千里一士則猶比肩也

知善不信謂之狂知惡不改謂之惑

昔文王見鸞子年九十文王曰嘻老矣鸞子曰若使臣捕虎逐麋臣已老矣坐策國事臣年尚少

太公金匱一卷

武王問太公曰殷已亡其三人今可伐乎太公曰臣聞之知天者不怨天知己者不怨人先謀後事者昌先事後謀者亡且天與不取反受其咎時至不行反受其殃非時而生是為妄成故夏條可結冬冰可釋時難得而易失也

武王平殷還問太公曰今民吏未安賢者未定如何太公曰無故無新如天如地得殷之財與殷之民共之則商得其買農得其田也一目視則不明一耳聽則不聰一足步則不行選賢自代上下各得其所

武王問五帝之戒可得聞乎太公曰黃帝云予在民上搖搖恐夕不至朝故金人三緘其口慎言語也堯居民上振振如臨深淵舜居民上兢兢如履薄冰禹居民上慄慄如恐不滿湯居民上翼翼懼不敢息

道自微而生禍自微而成慎終與始完如金城

行必履正無懷僥倖禮忍之須臾乃全汝軀禮刀利皚皚無為汝開禮源泉滑滑連旱則絕取事有常賦

餒有節禮

太公六韜六卷

文王曰君務舉賢不獲其功何也太公曰舉而不用是有求賢之名而無用賢之實也文王曰舉賢若何

太公曰按賢察名選才考能名實俱得之也文王曰國君失民者何也太公曰不慎所與也君有六守三寶六守者仁義忠信勇謀三寶者農工商六

守長則君安三寶完則國昌

國柄借人則失其威淵乎無端孰知其源涓涓不塞將成江河兩葉不去將用斧柯熒熒不救炎炎奈何天下非一人天下天下之天下也取天下者若逐野

鹿而天下共分其肉

太公云伏羲神農教而不誅黃帝堯舜誅而不怒聖人恭天靜地和人敬鬼

文王在岐召太公曰吾地小奈何太公曰天下有粟賢者食之天下有民賢者收之屈一人下伸萬人上

惟聖人能行之

冠雖敝加于首履雖新履于地

武王問太公曰士高下有差乎太公曰人有九差惡口舌為衆所憎夜臥早起此妻子之將知人饑渴習

人劇易此萬人之將戰戰慄慄日慎一日此十萬之將知天文悉地理理四海如妻子此天下之主

軍中之事不聞君命

武王問太公曰：吾欲令三軍親其將如父母，攻城則爭先登，野戰則爭先赴，聞金聲而怒，聞鼓聲而喜，可乎？太公曰：作將，冬日不服裘，夏日不操扇，天雨不張蓋，慢出隘塞，過泥塗，將先下步軍，未舉火，將不食，士非好死而樂傷，其將知飢寒勞苦也。

用兵之害，猶豫最大，赴之若驚，用之若狂，當之者破，近之者亡，使如疾雷，不暇掩耳也。  
貧窮忿怒，欲決其志者，名曰必死之士，辯言巧辭，善毀善譽者，名曰閒諜飛言之士。

曾子二卷

君子愛日以學，及時而成，難者不避，易者不從，日就業，夕自省，可謂守業者。年三四十無藝，則無藝矣。至五十不以善聞，則無聞矣。

鄙夫鄙婦相會于牆之陰，可謂密矣。明日或有知之，故士執仁與義，莫不聞也。

蓬生麻中，不扶自直，白沙在涅，與之皆黑。君子之遊，茲乎？如入蘭芷之室，久而不聞，則與之化矣。小人之遊，戲乎？如入鮑魚之室，久而不聞，則亦化矣。故君子慎其去就也。與君子遊，如日之長，加益不自知也。與小人遊，如履薄冰，幾何而不行陷乎？

天圓地方，則是四角不掩也。聞之，夫子曰：天道曰圓，地道曰方。

晏子八卷

景公作臺，臺成，欲復作鍾。晏子諫曰：斂民作鍾，民必哀，斂哀以謀樂，不祥。

景公嬖妾死，名曰嬰子。公守之三日，不食，膚著于席。

而不去。晏子曰：外有良醫，將作鬼神之事。公信之，屏而沐浴。晏子令棺入殮死者，公大怒。晏子曰：已死，不復生，公乃止。孔子聞之，曰：星之昭昭，不如日月之黷黷。

景公時，雨雪三日，被狐白之裘，坐于堂側，謂晏子曰：三日雨雪，天下何不寒？晏子曰：夫賢君飽，則知人飢，溫則知人寒，公乃去裘。

冠足以修敬，不務其飾，衣足以掩形，不務其美，土事不文，木事不鏤，足以示民也。

景公曰：吾欲霸諸侯，若何？晏子曰：官未具也。臣聞仲尼處陋巷，廉隅不正，則原憲侍，志意不通，則仲由侍，德不辱，案德不辱，今本晏子作德不辱，不盛行不厚。則顏回侍。今君未有能侍，故未具也。

君擇臣使之，臣雖賤，亦擇君事之。一心可以事百君，百心不可以事一君。

晏子治阿三年，毀闢于國。景公召而問之，對曰：嬰築蹊徑，急門閭之政，淫民惡之，舉儉罰偷，惰民惡之，決獄不畏強貴，強貴惡之，左右取求，非法不予，左右惡之，事貴人不能過禮，貴人惡之，是三邪毀于外，二讒去乎內，臣請改轍，更治三年，必有譽也。

景公病，水數十日，夢與二日鬪，而不勝，使占夢者占之，占者至門，晏子使對曰：公病陰也。與二日鬪，日陽也，不勝，疾將退也。三日而愈，公賞占夢者，占夢者辭曰：晏子之力也。公問晏子曰：臣若自對，則不信也。

景公病，疽在背，欲見不得，問國子。國子曰：熱如火，色如日，大如未熟李也。公問晏子，晏子曰：色如蒼玉，大



如璧公曰不見君子不知野人之拙也。

晏子使楚楚王令左右縛一人作盜者過王問何處人也對曰齊人也王視晏子齊國善盜乎晏子曰橘生江南北則作枳地土使然也今民生長于齊不盜入楚則盜臣不知也楚王自取弊。

晏子使楚楚王以晏子短作小門于大門之側晏子曰往請狗國從狗門入今來使入楚不可從狗門入也遂大門入。

楚王問齊之臨淄都無人耶對曰臨淄三百閭張袂成帷揮汗成雨比肩繼踵何容無人也。

曾子將行晏子送之曰贈人以財不若以言案今本作不若以言

和氏之璧井里璞耳良工修之則成國寶習俗移性可不慎乎。

晏子歿後十有七年景公射諸侯大夫皆稱善公曰自晏子歿後不復聞不善之事弦章對曰君好之則臣服之君嗜之則臣食之尺蠖食黃則黃食蒼則蒼是也公曰善吾不食諂人之言也以魚五十車賜弦章固不受是弦章有晏子之遺行也。

子思子七卷

慈父能食子不能使知味聖人能悅人不能使人必悅。

國有道以義率身無道以身率義苟息是也。

言而信信在言前令而化化在令外聖人在上而遷其化。

終年為車無一尺之軫則不可馳案一尺之軾據考工記考定從御覽

改

百心不可以得一人一心可得百人。

君本也臣枝葉也本美而葉茂本枯則葉凋。

君子不以所能者病人不以人之不能者愧人。

小人溺于水君子溺于口也。

繁于樂者重于憂厚于義者薄于行見長不能屈其色見貴不能盡其辭雖有風雨吾不入其門也。

君子以心導耳目小人以耳目導心。

孟子十四卷

蜀郡趙臺卿作章句章句曰指事。

孟子謂惠王曰虐政殺人何異刃耶庖有肥肉廄有肥馬民有飢色野有餓殍此謂率獸食人且人惡之。

況虐政乎。

敬老愛幼推心于民天下運掌中也故推恩足以保四海不推恩不足以保妻子。

孟子云齊人譏管晏此八字有誤馬融傳史因之案

節之文舊在不

如待時下誤

雖有智慧不如乘勢雖有鎡基不如待時飢者易為食渴者易為飲若久塗炭則易政如渴不擇飲也。

宋人有閔其苗不長握拔之使其長其子趨而視之苗則槁矣非但無益乃有害也。

見孺子入井非孺子之父母亦有惻隱之心無惻隱之心非人也無羞惡之心亦非人也無辭讓之心亦非人也無是非之心亦非人也。

孟子云子路人告之有過則喜禹聞善言則拜。

枉己者未能直人當以直矯枉若自由何以正人。

景春曰公孫衍張儀豈不誠大丈夫一怒而諸侯懼安居而天下息孟子曰是焉得為大丈夫乎富貴不能淫貧賤不能移威武不能屈此之謂大丈夫

天子不仁不保四海諸侯不仁不保社稷士不仁不保四體今惡死亡而樂不仁猶惡醉而強酒

民之歸仁猶水就下

存乎人莫良於眸子眸子不能掩其惡胸中正則眸子瞭焉胸中不正則眸子眊焉

淳于髡曰男女不親授受若嫂溺援之手乎孟子曰若不援豺狼也天下溺則援之以道嫂溺必援以手

子產以其乘輿濟人於溱洧孟子聞之曰不知政也不如以時修橋梁案句本

齊人有一妻一妾其良人出行則饜飽而反欺其妻云與富貴人共飲食耳夫出妻後伺之見乞人祭餘

食之妻乃告妾相與泣於中庭其夫自外來不知猶驕其妻妾由君子枉道得富貴而驕人也

非其道伊尹不以一芥與人亦不取一芥於人在野曰草莽之臣在國曰市井之臣

性猶湍水決東則東決西則西

白羽白性輕白雪白性消白玉白性貞雖俱白其性不同也案此馬參用趙波劉照二家注

冬日飲湯夏日飲水欲問寒暑者中心也

仁義忠信樂善不倦天爵也公卿大夫人爵也古之人修天爵而人爵從之今之人修人爵以要人爵得人爵棄天爵終亦亡矣

孟子曰仁之勝不仁也猶水勝火今之為仁者猶一

杯水救一車薪之火也不熄則謂水不勝火此又與於不仁之甚者也亦終必亡而已矣

君子有三樂父母俱存一樂仰不愧天俯不忤人二樂得天下英才而教育三樂

雞鳴而起孜孜為善者舜之徒也雞鳴而起孜孜為利者跖之徒也

九仞無泉猶棄井也

古人之關禦暴今人之關為暴今文關出

惡似而非者惡莠亂苗惡佞亂義惡利口亂信惡鄭聲亂雅樂惡紫亂朱惡鄉原亂德

堯至湯湯至文王文王至孔子孔子至孟子各五百餘歲案孔子至孟子僅百餘歲當依原書

管子十八卷

倉庫實知禮節國多財遠者來衣食足知榮辱野無積艸府無積貨市不成肆朝不合眾治之至也

觀其交遊則賢不肖可察

一年之計莫若樹穀十年之計莫若樹木終身之計莫若樹人

爵祿滿則忠衰室富足則行衰釜鼓滿則人槩之人滿則天槩之故先王不滿也

凡赦者小利而大害故久而不勝其害無赦小害而大利久而不勝其福惠者多赦先易後難法者無赦

先難後易惠者民之仇讎法者民之父母

堂上遠于百里有事十日而君不知堂下遠于千里有事一月不知門庭遠于萬里有事暮年不聞

桓公謂管仲曰寡人有大邪三不幸好畋晦夜從禽

不反一不幸好酒日夜相繼二寡人有汙行不幸好色姑姊妹有未嫁者三管仲曰惡則惡矣非其急也人君惟不愛與不敏不可耳不愛則亡衆不敏則不

及事地大而不耕非其地卿貴而不仁非其卿民衆而不親非其民

無翼而飛者聲也無根而固者情也公但謹聲耳齊水躁而復故民貪而勇楚水溺而清其民輕果好賊越水濁而重其民疾妒秦水甘書案拙舊作汙據本而滯其民貪戾晉水滯而雜其民好詐宋水勁而清其民簡易

先王治國威不兩措政不二門有法度之制者不可巧以詐僞有權衡之稱者不可欺以輕重有尋尺之數者不可差以短長也

桓公問廐吏何事最難吏未答管仲曰臣嘗作圉人惟傳馬棧最難先傳曲木則直無所施先傳直木則曲無所施

楚王好小腰美人省食吳王好劍國士輕死故主好宮室則工匠巧主好文彩則女工靡

冬日不盥非愛水也夏日不煬非愛火也爲不適於身明王不治宮室非愛小也爲傷于本事而妨于教也利之所在雖千仞之山無所不上深泉之下無所不入商人通賈倍道兼行夜以繼日千里不遠利在前也漁人入海海水百仞衝波逆流日夜不出利在水也

蛟龍得水而神力人主得民而威成海不辭水故能

成大山不辭土故能成高主不厭人故能成衆士不厭學故能成聖

烏合之衆初雖有懼後必相吐雖善不親也殺生之柄不制于主而在羣下此寄生之主也

五穀民之司命黃金刀幣民之通施農有常業女有常事一農不耕民有飢者一女不織民有寒者

桓公謂管仲曰吾欲伐楚楚強不可下如何曰公但鑄錢於莊山往楚貴市生鹿楚王聞之喜必廢農而獵鹿公藏粟五倍楚足錢而無粟公閉關楚降者十分有四

道德經二卷

生而不有爲而不恃元氣生萬物不有挫其銳解其

紛不自見也人欲銳慎進取功名當止之法道和其

光雖有獨見之明當如同其塵當與衆同辨多言數

窮口開舌舉不如守中不如其塵當與衆同辨聖人後

其身而身先後身以官長也外其身而身存厚己而

愛之如父母神長存也金玉滿堂莫之能守儂人

累則多富貴而驕自遺其咎反富貴必被禍患也絕

仁棄義民復孝慈德化也絕巧棄利盜賊無有正上化

私曲則全自專則全也枉則直枉久自伸而伸人少則

得天道祐謙自多則惑財多者惑於所聞善行無轍

跡善行不出門故無轍迹善言者無瑕謫善行無轍

知不足者富知位則富保而長保而長將欲強之必固張之

將欲弱之必固強之欲使遇害將欲廢之必固興

之先與之將欲奪之必固與之先與之者欲是謂微  
 明微其效明也明微其效明也失道而後德失道而後德失德而後仁失德而後仁  
 見失義而後禮見失義而後禮禮衰而後信禮衰而後信信之薄也信之薄也  
 未忠信日而亂之首未忠信日而亂之首夫德者忠信之薄也夫德者忠信之薄也  
 以消薄日而亂之首以消薄日而亂之首夫德者忠信之薄也夫德者忠信之薄也  
 為本言欲尊貴當以謙薄為本為本言欲尊貴當以謙薄為本高必以下為高必以下為  
 基因卑成高下不堅固高必傾危也基因卑成高下不堅固高必傾危也  
 而行之中士聞道若存若亡下士聞道大笑之不笑而行之中士聞道若存若亡下士聞道大笑之不笑  
 不足以為道不足以為道不為下士笑不為下士笑明道若昧明道若昧  
 進道若退進道若退取道若夷取道若夷夷道若類夷道若類夷道若類夷道若類  
 上德若谷上德若谷若深谷也若深谷也不廣德若不足不廣德若不足  
 方無隅方無隅委曲廉隅也委曲廉隅也無大器晚成無大器晚成  
 音希聲音希聲希聲希音也希聲希音也大器晚成大器晚成  
 物或損之而益物或損之而益取之不得益之而損取之不得益之而損  
 與身孰親與身孰親名退則身與貨孰多名退則身與貨孰多財多則得與亡孰病財多則得與亡孰病  
 好得貨利好得貨利甚愛必大費甚愛必大費甚愛必大費甚愛必大費  
 則病於行則病於行必多藏必厚亡必多藏必厚亡必多藏必厚亡必多藏必厚亡  
 費必大費必大多藏必厚亡多藏必厚亡必多藏必厚亡必多藏必厚亡  
 大成若缺大成若缺如不備也如不備也大巧若拙大巧若拙不見大辯若納不見大辯若納  
 無辯口不出戶以知天下無辯口不出戶以知天下以己家知人以己家知人不窺牖以見不窺牖以見  
 天道天道人道同其出彌遠其知彌少人道同其出彌遠其知彌少謂去其身觀人謂去其身觀人  
 視雖遠其所為學日益視雖遠其所為學日益欲文飾日消損之又損之欲文飾日消損之又損之  
 為自然之道為自然之道損之又損之損之又損之以至于無為無為而無以至于無為無為而無  
 不為無所不欲不為無所不欲無所不為無所不為善者吾善之善者吾善之不善者吾不善者吾  
 亦善之亦善之道善攝生者道善攝生者陸行不遇兕虎陸行不遇兕虎入軍不被甲兵入軍不被甲兵  
 戰殺塞其兌戰殺塞其兌兌目也兌目也閉其門閉其門不妄言不妄言終身不勤終身不勤  
 也也濟其事濟其事濟之益濟之益終身不救終身不救成也成也大道

甚夷而民好徑甚夷而民好徑徑平也徑平也不善建者不拔不善建者不拔  
 而拔而拔知者不言知者不言行也行也言者不知言者不知知者不知知者不知  
 悶悶悶悶其民缺缺其民缺缺其民淳淳其民淳淳其政察察其政察察  
 決于身決于身其民缺缺其民缺缺其民淳淳其民淳淳其政察察其政察察  
 從人雖直從人雖直己光而不耀己光而不耀如暗昧不見如暗昧不見深根固蒂深根固蒂  
 生久視之道生久視之道拔而不墜拔而不墜則落言能深藏則落言能深藏氣固守精無氣固守精無  
 其鬼不神其鬼不神其神不傷人其神不傷人聖人在位聖人在位不傷人不傷人夫兩不相夫兩不相  
 傷故德交歸焉傷故德交歸焉於陰伏其精於陰伏其精神故德交歸焉神故德交歸焉  
 不善何棄之有不善何棄之有前無無棄前無無棄德化厚也德化厚也故立天子置故立天子置  
 三公三公欲化不報怨欲化不報怨以德以德彌于人生也彌于人生也圖難于易圖難于易  
 未成也未成也夫輕諾必寡信夫輕諾必寡信多易必多難多易必多難慎其安易持慎其安易持  
 治國守持也治國守持也其未兆易謀其未兆易謀為之于未有治之于未為之于未有治之于未  
 亂以智治國國之福亂以智治國國之福上守正上守正實不作威福實不作威福是國之賊是國之賊不以不以  
 好武力也好武力也不善戰者不怒不善戰者不怒絕于未萌絕于未萌無所怨怒無所怨怒代代  
 大匠斲者希有不傷其手矣大匠斲者希有不傷其手矣大匠斲者希有不傷其手矣大匠斲者希有不傷其手矣  
 不得其紀綱不得其紀綱還受其殃也還受其殃也天之道損有餘而補不天之道損有餘而補不  
 足足以中和是尚人之道則不然以中和是尚人之道則不然損不足以奉有餘損不足以奉有餘  
 奪弱以益強也奪弱以益強也鄰國相望雞犬之聲相聞民至老鄰國相望雞犬之聲相聞民至老  
 死不相互往來死不相互往來欲也欲也知者不博博者不知知者不博博者不知知者不博博者不知知者不博博者不知  
 故不知要真故不知要真

荀子十二卷三十  
 青出于藍而青于藍冰生于水而寒于水君子居必  
 擇鄉遊必擇士防邪僻也  
 肉腐出蟲木枯生蠹驕慢在身災禍作矣

君子之學入乎耳著乎心布乎四肢動靜皆可法則  
小人之學入乎耳出乎口口耳之間才四寸耳何足  
以美七尺之軀

夫驥一日千里驚馬十駕則亦及之窮無窮極無極  
也

跬步不休跛鼈千里累土不輟邱山崇成

天不言人推其高地不言人歸其厚四時不言百姓

期焉

與人善言煖若錦帛與人惡言深於矛戟

三不祥幼而不肯事長賤而不肯事貴不肖不肯事

賢是也

枉木而求直影猶不能察明而務見幽也

伯樂不可欺以馬君子不可欺以人

川泉深而魚鼈歸之山林茂而禽獸歸之刑政平而

百姓歸之禮義備而君子歸之

天行有常不為堯存不為桀亡

淺不足以測深愚不足以與謀智培井之蛙不可與語

東海之樂

聖人無兩心天下無二道

鳥獸失亡其匹越月逾時必反過故鄉徘徊鳴號躑

躑躅蹶然後去何况人乎

妻子具而愛衰於親爵祿盈而忠衰於君唯聖及賢

者不然

歲不寒無以知松柏事不難無以知君子

荀卿子名況齊宣王時人春申君再請作蘭陵令因

家焉為李斯師卒於蘭陵

魯連子五卷

白刃交前不救流矢急不暇緩也

財者君之所輕死者士之所重君不能以所輕與士  
欲得士之所重不亦難乎

百足之蟲斷而不蹶持之者衆也

人心難知于天天有春夏秋冬以作時人皆深情厚  
貌以相欺

不知宜與不宜將以錦純薦不知時與不時猶冬耕  
也

文子十二卷

周平王時  
人師老君

齒堅於舌而齒先敝剛強者死之徒柔弱生之幹  
先唱者窮之路後動者達之源

立井而飲耕田而食不布施以求德不高下以相傾  
此古人之德也

河不滿溢海不湧波景雲見黃龍下祥風至醴泉出  
聖人順天道也晝冥夜光山崩川涸冬雷夏霜此國

之將亡也

水濁則魚噉政苛則民亂上多欲下多詐

冬日之陽夏日之陰萬物歸之而莫使

臯陶喑而為大理天下無虐刑何貴言乎

君子猶射差此毫末於彼尋丈

量腹而食度形而衣節乎己者貪心不生

神者智之淵神清則智明智者心之府智公則心平  
精神難清而易濁猶盆水也清之終日乃能見眉睫

不過一撓即不能見方圓也

山生金反自刻木生蠹還自蝕人生事還自賊

善游者必溺善騎者必墜

使信士分財不如探籌使廉士守財不如閉戶全封  
有心於平不如無心之不平

上學以神聽之學在骨髓矣中學以心聽之學在肌  
肉矣下學以耳聽之學在皮膚矣

鏗以聲自毀膏以明自煎  
一淵無兩蛟有必爭

得鳥者羅之一目一目之羅不可得鳥  
欲取魚者先通於谷欲來鳥者先樹於木水積魚聚

木茂鳥集

目見百步之外不能自見其背

水之勢勝火一杓不能救一車之薪金之勢勝木一

刀不能殘一林土之勢勝水一塊不能塞一河

飢馬在廐寂然無聲投芻其旁爭心乃生

日月欲明浮雲翳之河水欲清沙土穢之叢蘭欲茂

秋風敗之人性欲平嗜慾害之

濟溺者以金石不如尺索

花太早者不須霜而自落

入水憎濡懷臭求芳不可得也

乳犬噬虎伏雞捕狸

冶不能銷木匠不能斲冰

金石有聲不扣不鳴簫管有聲不吹不聲

事者難成而易敗名者難立而易廢

往古來今謂之宙四方上下謂之宇

孔子無黔突墨子無煖席非其貪祿慕位欲為天下

除害耳

獸窮則觸鳥窮則啄人窮則詐

人主之有民猶城之有基本之有根根深則本固基  
厚則土安

屈寸而伸尺小枉而大直聖人為之今人君不計其  
大功而求其小善失賢也

貴則觀其所舉富則觀其所欲貧則觀其所愛  
霸王之道扶義而動尊其秀士顯其賢良百姓開戶

而待之濟米而儲之不義之兵至於伏尸流血而不  
服也

冬日之扇夏日之裘無用於己則生塵垢

鄧析子一卷

劉向云非子產殺鄧析推春秋驗之

修名責實案方苞鄧校韓昌黎集云唐人君之事也

奉法宣令臣之職也

君有三累親所信以名取士近故疎親臣有四責受

重賞而無功居大位而不治為理官而不平在軍陣

而奔北

勢者君之輿威者君之策臣者君之馬民者君之輪

勢固則輿安威定則策致臣順則馬馴民和則輪利

治國者失此必有覆輿奔馬折策敗輪之患輪敗策

折馬奔輿覆則載者亦傾矣

慮不先定不可以應卒兵不預整不可以當敵廟算

千里帷幄之奇百戰百勝黃帝之師

凶饑之歲父死於室子死於戶而不相怨者無所顧

也

同船涉海中流遇風救患若一所憂同也張羅之敗

唱和不差者其利等也故體病者口不能不唾傑口

不能心悅者顏不能不笑

自見則明借人見則暗自聞則聰借人聞則聾

一言而非駟馬不能追一言而急駟馬不能及反一作

明君之治民若御奔而無轡負重而履冰

喜而便賞不必當功怒而便誅不必值罪案便一本

忠怠于宦成孝衰于妻子

范子十二卷並是陰陽曆數也

計然者葵邱濮上人姓辛名文子其先晉國公子也

爲人有內無外形狀似不及人少而明學陰陽見微

而知著其形浩浩其志汎汎案容齋續不肯自顯諸

侯陰所利者七國天下莫知故稱曰計然時遠遊海

澤號曰漁夫范蠡請見越王計然曰越王爲人鳥喙

不可同利也案容齋續筆不

掩目別白黑雖時時一中猶不知天道論陰陽有時

誤中耳

范子問何用九宮計然曰陰陽之道非獨於一物也

聖人之變如水隨形形平則平形險則險

胡非子一卷

勇有五等案書無此四字負長劍赴榛薄析兕豹傅

熊羆此獵徒之勇也負長劍赴深泉斬蛟龍搏鼉鼉

此漁人之勇也登高陟危鶴立四望顏色不變此陶

缶之勇也剽必刺視必殺此五刑之勇也昔齊桓公

以魯爲南境魯公憂之三日不食曹沫請擊頸以血

濺桓公公懼不知所措管仲乃勸與之盟夫曹沫匹

夫之士布衣柔履之人一怒卻萬乘之師存千乘之

國此君子之勇也

墨子十六卷

君子自難而易彼衆人自易而難彼

靈龜先灼神蛇先暴

君子雖有學行爲本焉戰雖有陳勇爲本焉喪雖有

禮哀爲本焉

墨子見染絲而數曰染于蒼則蒼染于黃則黃非獨

染絲然也人固亦有染舜染許由桀染子辛案說苑

紂染崇侯也

聖人爲舟車完固輕利可以任重致遠

子自愛不愛父欲虧父而自利弟自愛不愛兄欲虧

兄而自利非兼愛也盜愛其室不愛異室故竊異室

以利其室亦非兼愛

節葬之法三領之衣足以朽肉三寸之棺足以朽骸

深則通於泉

諸侯不得恣己爲政有三公政之三公不得恣己爲

政有天子政之天子不得恣己爲政有天下政之案

斷指以存脛以免於身者利

君子如鐘扣則鳴不扣則不鳴美女處不出則爭求

之行而自銜人莫之娶

墨子勸弟子學曰汝速學君當仕汝弟子學暮年就

墨子責仕墨子曰汝聞魯人乎有昆弟五人父死其

長子嗜酒不肯預葬其四弟曰兄若送葬我當爲兄

沽酒葬訖就四弟求酒四弟曰子葬父豈獨吾父也

吾恐人笑欺以酒耳今不學人自笑子故勸子也遂

不復求仕

墨子謂門人曰汝何不學對曰吾族無學者墨子曰不然豈謂欲好美而吾族無此辭不欲邪欲富貴而曰吾族無此辭不用邪強自力矣

甘瓜苦蒂天下物無全美

古之學者得一善言附於其身今之學者得一善言務以說人言過而行不及

君子服美則益敬小人服美則益驕

纏子一卷

纏子修墨氏之業以教於世儒有董無心者其言修而謬其行篤而庸言謬則難通行庸則無主欲事纏子纏子曰文文文似種一言華世不中利民傾危繳繞之辭者並不為墨子所修勸善兼愛則墨子重之董子曰子信鬼神何異以踵解結終無益也纏子不能應

隨巢子一卷

執無鬼者曰越蘭問隨巢子曰鬼神之智何如聖人曰聖也越蘭曰治亂由人何謂鬼神耶隨巢子曰聖人生於天下未有所資鬼神為四時八節以紀育人乘雲雨潤澤以繁長之皆鬼神所能也豈不謂賢於聖人有疎而無絕有後而無遺大聖之行兼愛萬民疎而不絕賢者欣之不肖者則憐之賢而不欣是賤德也不肖不憐是忍人也

尸子二十卷

鹿馳走無顧六馬不能望其塵所以及者顧也

水積則生吞舟之魚土積則生豫章之木學積亦有生焉

農夫比粟商賈比財烈士比義卑牆來盜榮辱由中出敬侮由外生

樹葱韭者擇之則蕃仁義亦不可不擇也唯善無基義乃繁滋敬災與凶禍乃不重

雞司夜狸執鼠日燭火此皆不令自全

日在井中不能燭十步目在足下不可以遠視雖明何益

堯瘦舜黑皆為民也

陳繩則木之枉者有罪措準則地之廢險者有罪審名分則羣臣不審者有罪

農夫之耨去害苗者賢者之治去害義者

虎豹之駒未成文而有食牛之炁鴻鵠之鷺羽翼未合而有四海之心

見人有善如己有善見人有過如己有過此虞氏盛德也

買馬不論足力而以白黑為儀必無走馬矣買玉不論美惡必無良寶矣舉士不論賢良則無士矣

孔子云誦詩讀書與古人居讀詩誦書與古人謀玉者色不如雪澤不如雨潤不如膏光不如燭取玉甚難越三江五湖至崑崙之山千人往百人反百人往十人反至中國覆十萬之師解三千之圍

車輕道近鞭策不用鞭策所用道遠任重

見驥一毛不知其狀見畫一色不知其美

屠者割肉則知牛長少弓人斃筋則知牛長少雕人



裁骨則知牛長少各有辨焉  
草木無大小必待春而後生人待義而後成

韓子二十卷

劉向云秦始皇重韓非書曰寡人得與此人遊死不  
恨矣李斯姚賈害之與藥令自殺始皇悔遣救之已  
不及

無與禍隣禍乃不存

臣所以難言者滑澤洋洋見者以謂華而不實敦厚  
祇恭見者以謂拙而不倫多言繁稱連類比物見者  
以謂虛而無用省而不飾見者以謂訥而不辨激意  
近親探知人情見者以謂譖而不讓宏大廣博深而  
不測見者以爲夸而無用臣所以爲難言而重患也  
二柄刑德也虎所以能伏犬者爪牙也若虎釋其爪  
牙則反伏於犬也故田常請爵祿大斛斛施百姓比  
齊簡公失德而田常得之

韓昭侯醉甚而臥典冠見君寒加衣其上昭侯覺乃  
罪典衣殺典冠以典衣失事而典冠侵官甚於寒也  
故明王畜臣不得越官而有功不得陳言而無當越  
官則死不當則罪

香美病形皓齒損精去甚去泰身乃無害使雞司夜  
令狸執鼠物有所宜才有所施各處其宜故上下無  
爲

上失膚寸下失尋常君不可不慎

託宴處之娛乘醉飽之時求其所欲則必聽也

隣國有聖人敵國之憂也

彌子瑕有寵于衛君竊駕君車君聞之曰子瑕母病

而矯駕孝子也與君遊果園食桃不盡以半啖君君  
曰愛我也及其色衰得罪於君君曰是矯駕吾車者  
啖我餘桃者以前所賢而後獲罪愛憎變也  
愛人不得獨利待譽而後利之憎人不得獨害待非  
而後害之

與人欲人富貴棺人欲人死喪人不貴則輿不用人  
不死則棺不買非有仁賊利在其中

相愛者則比周而相譽相憎者則比黨而相誹誹譽  
交爭則主惑矣家有常業雖飢不餓國有常法雖危  
不亡若捨法從私意則臣下飾其智能飾其智能則  
法禁不立矣

君以計畜臣臣以計事君害身而利國臣不爲也害  
國而利身君不爲也

譬之如水溺者飲之則死渴者飲之則生

桓公伐孤竹失道管仲曰老馬之智可用遂縱馬從  
而得歸行出山中無水隰朋曰蟻冬居山之陽夏居  
山之陰蟻壤寸而有水使掘之果得水焉

以人言善我者必以人言罪我也

置猿於檻則與純同勢不能逞能也

刻削之道鼻莫如大目莫如小鼻大可小小不可大  
目小可大大不可小舉事亦然

古人目短於自見故以鏡觀面身短於自知故以道  
正己失鏡無以正鬚眉失道無以知迷惑西門豹性  
急佩章以自緩董安于性緩佩弦以自急

斷手續之以玉故世有易身之患

舜爲匹夫不能正三家有才而無勢雖賢不能制也